

ԵՆԹԱԿԱՌՈՒՅՑ

ՀԱՆՐԱԳՈՒՄԱՐՎԵՅԻՆ ՎԵՅ ԱՄՍԿԱ ԱՐԴՅՈՒՆՔՆԵՐԸ ԹԲԻԼԻՍԻ-ԼԱՐՍԻ ՆՈՐ ՄԱՅՐՈՒԴԻՆ՝ ՓՈԽԱԴՐՈՒՄՆԵՐԻ ԾԱՎԱԼՆԵՐԻ ԱՎԵԼԱՑՄԱՆ ՀՆԱՐԱՎՈՐՈՒԹՅՈՒՆ

Օգոստոսի 13-ին, Թբիլիսիի «Շերատոն Մետեխի պալատ» հյուրանոցում անցկացվեց Վրաստանի ենթակառուցվածքների եւ տարածաշրջանային զարգացման նախարարության ավտոճանապարհային դեպարտամենտի վեց ամսվա հաշվետվության շնորհանդեսը:



Միջոցառմանը, որին ներկա էին Վրաստանի վարչապետ Մամուկա Բախտաձեն, խորհրդարանի նախագահ Արչիլ Թալալվաձեն, նախարարներ, խորհրդարանի անդամներ եւ դոմոր կազմակերպությունների ներկայացուցիչներ, իրականացված աշխատանքի հանրագումարային զեկույցներով հանդես եկան Վրաստանի վարչապետ

Մամուկա Բախտաձեն, փոխվարչապետ, երկրի ենթակառուցվածքների եւ տարածաշրջանային զարգացման նախարար Մայա Ցքիտիշվիլին, տվյալ նախարարության ավտոճանապարհային դեպարտամենտի նախագահ Իրակլի Քարսելաձեն:

(Շարունակությունը՝ 4-րդ էջում)

ՍՈՑԻԱԼԱԿԱՆ



ԿԵՆՍԱԹՈՇԱԿԱՅԻՆ ՀԻՄՆԱԴՐԱՄԸ ՍԵՊՏԵՄԲԵՐԻՅ՝ ԿՍԿՍԻ ԻՐԱԿԱՆԱՅՆԵԼ ՆԵՐԴՐՈՒՄՆԵՐ

Ինչպես հայտարարեց Վրաստանի կենսաթոշակային հիմնադրամի նախագահ Լեւան Սուրգուլաձեն, կուտակային կենսաթոշակային համակարգով ապահովված միջոցների ներդրումը կիրականացվի սեպտեմբերի վերջին:

Ինչպես նշեց կենսաթոշակային հիմնադրամի ղեկավար Լեւան Սուրգուլաձեն, ներկա դրությամբ, կենսաթոշակային հիմնադրամում վավերացված է 320 միլիոն լարի, որի վրա առայժմ գրանցվել է ավելի քան 5 միլիոն տոկոսագումար:

Ինչ վերաբերում է կուտակային կենսաթոշակային համակարգի դուրս եկող քա-

ղաքացիներին, ապա, պաշտոնական տվյալներով, կենսաթոշակային համակարգից ինքնակամ դուրս է եկել 41.805 պետական պաշտոնյա, իսկ մասնավոր հատվածից՝ 107 137 անձ:

Արդյունքում՝ 148 942 մարդ դուրս է եկել

(Շարունակությունը՝ 4-րդ էջում)

ՏԱՐԱԴՐԱՄ

ԻՎԱՆԵ ՄԱՃԱՎԱՐԻԱՆԻ. «ԼԱՐԻՆ ԿԳՏՆԻ ԻՐ ՀԱՍՏԱՏՈՒՆ ՓՈԽԱՐԺԵՔԸ»

Ինչպես արդեն հաղորդել ենք, վերջին մեկ ամսվա ընթացքում ամերիկյան դոլլարի համեմատ վրացական տարադրամի՝ լարիի ամբողջ նվազել էր: Լարիի արժեզրկումը (մեկ դոլլարի դիմաց գրեթե 3 լարի) գերազանցեց մինչ այդ վավերացված նշանագծերը: Եվ, սակայն վերջին օրերին երկրի Ազգային բանկի ձեռնարկած կտրուկ միջոցառումները (բանկը ազատ վաճառքի համեց շուրջ 40 միլիոն դոլլար) կայունացրին լարիի կուրսը, վավերացվեց դոլլարի նկատմամբ լարիի փոխարժեքի նվազում:

Վրաստանի վարչապետ Մամուկա Բախտաձեն, ով լարիի արժեզրկումը կապում էր արտաքին եւ ներքին որոշ գործոններ-

րի, մասնավորապես, թուրքական լիրայի անմախաղեպ ամբարկման եւ հունիսից

(Շարունակությունը՝ 3-րդ էջում)

ԱՎԱՆԴԱԿԱՆ

ՎՐԱՍՏԱՆՈՒՄ ՆՇՎԵՑ «ԴԻԴՈՐՈՐԱ» ՏՈՆԸ

Օգոստոսի 12-ին Վաստանում նշվեց ժողովրդական «Դիդորորա» տոնը: Համաժողովրդական բնույթ կրող այս տոնակատարությունը նշվում է ի պատիվ 1121 թվականին Դիդորիի ճակատամարտում սելջուկ թուրքերի դեմ վրացիների ջախջախիչ հաղթանակի, որ տեղի է ունեցել վրաց թագավոր Դավիթ Շինարարի օրոք:

Տոնն անցկացվեց Դիդորիի դաշտավայրում, Թբիլիսիից 30 կմ հեռավորությամբ դեպի Մանգլիսի տանող ճանապարհին (Թեթրիծղարոյի մունիցիպալիտետ), որտեղ տեղակայված է այդ պատմական իրադարձությանը նվիրված հուշարձանը:

Միջոցառման շրջանակներում ներկայացվեցին վրացական արվեստի նմուշներ, ավանդական տարազը, խոհանոցը, զինին եւ այլն: Միջոցառման ավարտին անցկացվեց համերգ, հանդես եկան մի շարք հայտնի էստրադա-



(Շարունակությունը՝ 2-րդ էջում)

ԱՐԽԱՋԱԿԱՆ ՊԱՏԵՐԱՋՄԻՑ 27 ՏԱՐԻ ԱՆՑ

ՄԱՍՈՒԿԱ ԲԱԽՏԱԶԵ. «ՎՐԱՅԻՆԵՐՆ ՈՒ ԱՐԽԱՋՆԵՐՆ ԸՆԴՀԱՆՈՒՐ ԱՐՄԱՏՆԵՐ ՈՒՆԵՆ, ԸՆԴՀԱՆՈՒՐ ՊԵՏՔ Է ԼԻՆԻ ՆԱԵՎ ԱՊԱԳԱՆ»



Օգոստոսի 12-ին լրացավ Արխազիայում հականատության 27-րդ տարելիցը: 1992 թվականին, այդ օրը, ըստ պաշտոնական վարկածի, Վրաստանի պետական խորհուրդը Արխազիայի Գերագույն խորհրդի նախագահ Վլադիսլավ Արծինբայի համաձայնությամբ ուժայիններ ուղարկեց երկաթուղու Սոչի-Ինգիրի հատվածը հաճախակի ավազակություններից պաշտպանելու նպատակով: Արխազիա վրացական ուժերի մուտքին նախորդել էր, այսպես կոչված, տեղի անջատողականների անկախության պահանջը:

կան անձ: Մոտ 300 հազար մարդ փախտական է դարձել: 1994 թվականի մայիսի 14-ին, վրացական եւ արխազական կողմերը Սոսկվայում կնքեցին «Կրակի դադարեցման եւ կողմերի բաժանման մասին» համաձայնագիր, որը նշակվել էր՝

(Շարունակությունը՝ 2-րդ էջում)

ՎՐԱՍՏԱՆ-ՀԱՅԱՍՏԱՆ

ՈԱԶՄԱԿԱՆ ՀԱՄԱԳՈՐԾԱԿՈՒԹՅԱՆ ՉԱՐԳԱՅՄԱՆ ՀԵՌԱՆԿԱՐՆԵՐ

Երկկողմ համագործակցության շրջանակում, օգոստոսի 12-ից 16-ը Վրաստանում էր գտնվում Հայաստանի պաշտպանության նախարարության ռազմական ուստիկանության պետ, գնդապետ Արթուր Բաղդասարյանի գլխավորած պատվիրակությունը:

Այցի շրջանակներում Հայաստանի պաշտպանության նախարարության ռազմական ուստիկանության պատվիրակությունը հանդիպում է ունեցել Վրաստանի ռազմական ուստիկանության դեպարտամենտի պետ, գեներալ-մայոր Արեսալոն Մանջալիձեի հետ: Հանդիպմանը կողմերը քննարկել են Վրաստանի եւ Հայաստանի պաշտպանության նախարարությունների միջեւ ռազմական ուստիկանության ոլորտում համագործակցության ուղիները, կանխագծել համագործակցության խորացման հեռանկարներ:



ԱՎԱՆԴԱԿԱՆ

ՎՐԱՍՏԱՆՈՒՄ ՆՇՎԵՑ «ԴԻԴԳՈՐՈՐԲԱ» ՏՈՆԸ

(Սկիզբը՝ 1-ին էջում)

յին եւ ժողովրդական երգիչներ։ Միջոցառմանը իրենց մասնակցությունը բերեցին Վրաստանի վարչապետ Մամուկա Բախտաձեն, խորհրդարանի նախագահ Արչիլ Թալալվաձեն, երկրի գործադիր եւ օրենսդիր մարմինների, քաղաքական ու հասարակական կազմակերպությունների ներկայացուցիչներ։

Երկրի վարչապետի գնահատմամբ, Դիդգորիի հովիտը վրացիների միաս-

նության, նվիրվածության եւ հայրենասիրության օրինակ է։

- Դիդգորին, որտեղ մենք այժմ գտնվում ենք, մեր ռազմական հզորության, միասնության ու ազատության խոսուն խորհրդանիշն է։ Ես՝ որպես շարքային վրացի, եւ ձեզանից յուրաքանչյուրը յուրահատուկ կապ է զգում այս դաշտի հետ։ Մի կողմից Դիդգորիի հաղթանակը հայրենասիրության մեծագույն դրսևորում էր, մյուս կողմից՝ ճիշտ եւ արդյունավետ ռազմավարություն։ Վրաց

Պատրիարքը մի առիթով ասել է, որ Դիդգորիի ճակատամարտը շարունակվում է։ Այո՛, բարեկամներ, Վրաստանի յուրաքանչյուր քաղաքացու համար Դիդգորիի պատերազմը շարունակվում է։ Սա պայքար է եւ ծառայություն մեր երկրի համար,- ասել է Մամուկա Բախտաձեն՝ նշելով, որ պայքարը, ի վերջո, պտուղներ է տալու՝ Վրաստանը դարձնելով միասնական, հաջողակ եւ եվրոպական երկիր, որի համար կռվել են Դավիթ Շինարարն ու մյուսները։

ՏԱՐԵԼԻՑ

ՄԱՍՈՒԿԱ ԲԱՏՏԱԶԵ. «ՎՐԱՑԻՆԵՐՆ ՈՒ ԱԲԽԱԶՆԵՐՆ ԸՆԴՅԱՆՈՒՐ ԱՐՄԱՏՆԵՐ ՈՒՆԵՆ, ԸՆԴՅԱՆՈՒՐ ՊԵՏՔ Է ԼԻՆԻ ՆԱԵՎ ԱՊԱԳԱՆ»

(Սկիզբը՝ 1-ին էջում)


հակամարտության կարգավորման նպատակով ՄԱԿ-ի հատուկ հանձնակատարի գլխավորությամբ տեղի ունեցած ժնեյան բանակցությունների շրջանակում։ Բայց 2008-ին Մոսկվան ճանաչեց Վրաստա-

նի այս շրջանի անկախությունը։

Վրաստանի նորագույն պատմության այդ ծանր օրվան անդրադառնալով՝ Վրաստանի վաչապետ Մամուկա Բախտաձեն հայտարարեց, որ վրացիներն ու աբխազներն ընդհանուր արմատներ ունեն, եւ

ապագան նույնպես պետք է ընդհանուր լինի։

- Մենք պետք է միասին աշխատենք, որպեսզի այդ ցավը հաղթահարենք։ Դա եղբայրասպան պատերազմ էր, ընդհանուր ցավ, եւ մենք պետք է միասին հաղթահարենք այդ մարտահրավերները։ Ես վստահ



ԱՄՆ

«GREEN CARD» (ԿԱՆԱԶ ՔԱՐՏ) ՏՐԱՄԱԴՐԵԼՈՒ ԿԱՐԳԸ ԽՍՏԱՑՎՈՒՄ Է

ԱՄՆ նախագահ Դոնալդ Թրամփի վարչությունը խստացնում է «Կանաչ քարտ» տրամադրելու կարգը։ Նոր նախաձեռնության համաձայն, «Կանաչ քարտ» չեն կարող ստանալ այն էմիգրանտները, որոնք պետությունից ստանում են սոցիալական օգնություն։ Խոսքը բժշկական, սննդի, կենցաղային եւ սոցիալական օգնության ծրագրերում ներգրավված էմիգրանտների մասին է։

Ամերիկյան մամուլի տեղեկությամբ, փոփոխությունները վերաբերում են այն մարդկանց, որոնք գտնվում են ԱՄՆ-ում եւ փորձում են երկրում ձեռքբերել բնակության իրավունք։ Նոր նախաձեռնությունն ուժի մեջ է մտնելու հոկտեմբերի 15-ից։


Նշենք, որ ԱՄՆ-ի տասներեք նահանգներ հայց են հարուցել ԱՄՆ-ի նախագահ Դոնալդ Թրամփի վարչակազմի դեմ՝ փորձելով արգելափակել Սպիտակ տան կողմից օգոստոսի 12-ին հռչակված էմիգրացիայի նոր կանոնների գործարկումը։

ԵՎՐԱՄԻՈՒԹՅՈՒՆ BREXIT-Ի ՇՈՒԿԱՅՈՒՄ ՓՈԽՁԻՋՈՒՄ ԶԻ ԼԻՆԻ

Եվրամիությունը չի ձգտում փոխհամաձայնության հասնել Brexit-ի պայմանների վերաբերյալ համաձայնագրի առանձին դրույթների վերանայման հարցում։ Այդ մասին հայտարարեց Մեծ Բրիտանիայի վարչապետ Բորիս Ջոնսոնը։

- Մեր եվրոպացի բարեկամները փոխգիշման գնալու պատրաստակամություն չեն դրսևորում, նրանք այդ քայլին չեն գնում, երբ գործը վերաբերում է դուրս գալուն։ Նրանք կառչում են դուրս գալու վերաբերյալ Դամաձայնագրի յուրաքանչյուր տառից, յուրաքանչյուր ստորակետից, ներառյալ «բեքստոպ»-ը (ԵՄ-ի մաքսային միության եւ միասնական եվրոպական շուկայի կազմում Դյուսիսային Իռլանդիայի գտնվելու ռեժիմը Brexit-ի անցումային շրջանի սկսվելուց հետո), քանի որ նրանք դեռեւս մտածում են, որ Brexit-ը կարող է արգելափակվել խորհրդարանում,- ընդգծել է վարչապետը։

ՎՐԱՍՏԱՆ - ՆԱՏՕ



«ԵՎՐԱՏԼԱՆՏՅԱՆ ԻՆՏԵԳՐՈՒՄԸ ՄԵՐ ՔԱՂԱՔԱԿԻՐԹ ԸՆՏՐՈՒԹՅՈՒՆՆ Է»

Ինչպես արդեն հաղորդել ենք, Վրաստանում անցկացվեցին «Ամուր ոգով/Agile Spirit 2019» Վրաստան-ՆԱՏՕ զորավարությունները։ Օգոստոսի 9-ին զորավարությունների փակման արարողությանը ներկա էին Վրաստանի վարչապետ Մամուկա Բախտաձեն, պաշտպանության նախարար Լեւան Իզորիան, պաշտոնական այլ անձինք։

Վրաստան-ՆԱՏՕ զորավարությունների անցկացման ժամկետը համընկավ վրաց-ռուսական 11-ամյա պատերազմական օրերի հետ, ինչը յուրովի ընդգծեց վրացական պետության քաղաքական ուղու անշեղությունը։

Ելույթ ունենալով փակման արարողությանը, Վրաստանի վարչապետ Մամուկա Բախտաձեն նշեց, որ երկիրը

մոտ է սկզբունքային այն կետին, երբ Վրաստանում շատ է ՆԱՏՕ-ն, իսկ ՆԱՏՕ-ում՝ Վրաստանը։ Նրա խոսքով՝ վրաց զինծառայողները համապատասխան համագործակցություն ցուցաբերեցին, ձեռք բերելով համապատասխան փորձ եւ այժմ պատրաստ են օպերատիվ հնարավորությունները ներկայացնել բազմազգ միջավայրում։ Անդրադառնալով

11 տարվա վաղեմություն ունեցող իրադարձություններին, Վրաստանի վարչապետն ընդգծեց, որ այդ ցավալի իրադարձություններից հետո, Ռուսաստանը բռնազավթել է երկրի երկու պատմական երկրամաս։ «Դա ամենացավազին մարտահրավերն է մեր երկրի համար, եւ դրա պատասխանը խաղաղությունն է ու Վրաստանի զարգացումը։ Վրաց ազգը կատարել է իր քաղաքակիրթ ընտրությունը, որը նախատեսում է Վրաստանի լիարժեք ինտեգրում եվրոպական եւ եվրատլանտյան կառույցներին, եւ դա Վրաստանի ինքնիշխան ընտրությունն է, որն ուղղված չէ որեւէ մեկի դեմ», - հայտարարել է վարչապետը։

ՀԻՄՆԱՆՆԴԻՐ

ԿՈՆԿՐԵՏ ՔԱՅԼԵՐ ԶԲՈՍԱՆԵՐԳՈՒԹՅԱՆ ՈՒՐՏՈՒՄ ԻՐԱՎԻՃԱԿԻ ԿԱՐԳԱՎՈՐՄԱՆ ՈՒՂՈՒԹՅԱՄԲ

Ինչպես հայտարարեց Վրաստանի վարչապետ Մամուկա Բախտաձեն, հուլիսի տվյալներով երկրի զբոսաշրջության հատվածը 60 մլն դոլարի վնաս է կրել։ Նրա խոսքով, այսօր ուղորտը անվերապահ աջակցության կարիք ունի։

- Հուլիսի տվյալներով, զբոսաշրջությանը հասցված վնասը կազմում է 60 մլն դոլար, սակայն Աջարիայում արդեն

դրական միտում է նկատվել։ Այստեղ նախորդ տարվա նույն ժամանակահատվածի համեմատ, զբոսաշրջային հոսքը

աճել է 40 տոկոսով։ Այսօր անպայման պետք է օգնություն ցուցաբերել զբոսաշրջության հատվածում գործող փոքր եւ միջին բիզնեսին,- հայտարարել է Մամուկա Բախտաձեն եւ հավելել, որ կառավարությունը նախագիծ է մշակում, որը հնարավորություն կտա տու-

րիզմի ոլորտում աշխատող փոքր եւ միջին գործարարությանը կարծ ժամանակահատվածում լուծել ծագած հիմնախնդիրները։

- Համոզված եմ, կվերադարձնենք մեր ունեցած դրական դինամիկան,- հայտարարել է վարչապետը։

«ՌՈՒՍՔԱՎԻ 2»

ՀԵՌՈՒՄՏԱԸՆԿԵՐՈՒԹՅԱՆ ՇՈՒՐՋ ԻՐԱՐԱՆՑՈՒՄԸ ՇԱՐՈՒՆԱԿՎՈՒՄ Է ՀԵՌՈՒՄՏԱԸՆԿԵՐՈՒԹՅԱՆ ՆԱԽԿԻՆ ՏՆՕՐԵՆԻՆ ՄԵՂԱԴՐԱՆՔ Է ԱՌԱՋԱԴՐՎԵԼ



Ինչպես արդեն հաղորդել ենք, մոտ մեկ ամիս առաջ՝ Ստրասբուրգի միջազգային դատարանը հիմնավորված համարեց «Ռուսթավի 2» հեռուստաընկերության սեփականության հարցով Քիբար Խալվաշիի պահանջը եւ վերականգնեց հեռուստաընկերության բաժնետոմսերի 100 տոկոսի սեփականության իրավունքը։ Հեռուստաընկերության սեփականատերը, առաջին հերթին աշխատանքից ազատեց նախկին տնօրեն Նիկա Գվարամիային, իրականացրեց կադրային որոշակի փոփոխություններ՝ հայտարարելով, որ հեռուստաընկերությունը կշարունակի իր գործունեությունը։

Եվ ահա, դատական որոշումից մոտ մեկ ամիս անց, «Ռուսթավի 2» հեռուստաընկերության բաժնեմասերի 100 տոկոսի սեփականատեր Քիբար Խալվաշին հայտարարեց՝ հեռուստաընկերությունը վաճառելու իր մտադրության մասին։ Նրա խոսքով, այս որոշումը պայմանավորված է նրանով, որ վերջին տարիներին հեռուստաընկերությունը հայտնվել է ֆինանսական ճգնաժամի մեջ, կուտակվել են հսկայական պարտքեր՝ շուրջ 70 միլիոն լարի, որից միայն պետական բյուջեի պարտքը հասնում է 27 միլիոն լարիի։

Ինչպես հայտարարեց Քիբար Խալվաշին, չունենալով բավական գումար՝ հեռուստաընկերությունը ճգնաժամից դուրս հանելու համար, որոշում է կայացրել այն վաճառել։

Նրա խոսքով, ինքը պատրաստ է հարցը մանրամասն քննարկել շահագրգիռ բոլոր կողմերի հետ, ովքեր ցանկանում են ձեռք բերել «Ռուսթավի 2»-ը, եւ օգնել այն դարձնել հաջողակ հեռուստաընկերություն։ Թեպետ, Խալվաշին ճշտեց, որ միակ մարդը, ում հետ չի ցանկանում զրուցել այդ թեմայի շուրջ, «Ռուսթավի 2»-ի նախկին ոչ ֆորմալ սեփականատեր ու ղեկավար Միխեիլ Սաակաշվիլին է։

Նշենք, որ օգոստոսի 15-ին «Ռուսթավի-2» հեռուստալիքի նորանշանակ գլխավոր տնօրեն Պաստա Սալիան հայտարարեց, որ վրացական հեռուստաընկերությունը ձեռք բերելու ցանկություն առայժմ ոչ ոք չի հայտնել։

Նշենք, որ այս ընթացքում «Ռուսթավի 2» հեռուստաընկերության նախկին գլխավոր տնօրեն Նիկա Գվարամիային դատախազությունը մեղադրանք է առաջադրել։

Ինչպես հայտարարեցին դատախազությունում, հետաքննությունը պարզել է, որ Նիկա Գվարամիայի կողմից հեռուստաընկերության ղեկավարման եւ իրավասությունների չարաշահման արդյունքում, «Ռուսթավի 2» մուտք չի գործել պատկանելիք 6 762 510 լարի, ինչը մեծ վնաս է հասցրել հեռուստաընկերությանը։

Հիշեցնենք՝ «Ռուսթավի 2»-ի 9 տոկոս բաժնեմաս ունեցող նախկին սեփականատեր Նինո Նիժարաձեի փաստաբանը գլխավոր դատախազությունում Նիկա Գվարամիայի դեմ բողոք էր ներկայացրել։

Թեխիսիի քաղաքային դատարանը, օգոստոսի 11-ին որոշում ընդունեց Նիկա Գվարամիայի հանդեպ սահմանել 40 հազար լարիի գրավ, եւ երկրից դուրս չգալու պահանջ։ Մինչդեռ, ինչպես հայտարարում է Նիկա Գվարամիան, նա գրավի գումարը վճարելու մտադրություն չունի։

ԱՐԵՎԻԿԱ ՄԱՆՈՒԿՅԱՆ

ԵՆԹԱԿԱՌՈՒՅՑ

ՀԱՆՐԱԳՈՒՄԱՐՎԵՑԻՆ ՎԵՑ ԱՄՍՎԱ ԱՐԴՅՈՒՆՔՆԵՐԸ

(Սկիզբը՝ 1-ին էջում)

Իր ելույթում Վրաստանի վարչապետ Մամուկա Բախտաձեն հայտարարեց, որ ենթակառուցվածքի զարգացումը կարևորագույն առաջնահերթություն է, եւ այն ունի երեք նպատակ.

- Առաջին՝ մինչեւ վերջ յուրացնենք մեր երկրի բացառիկ տարանցիկ եւ զբոսաշրջության ներուժը, երկրորդ՝ կրճատենք ժամանակը, եւ երթևեկությունը դարձնենք առավել հարմարավետ ու անվտանգ, երրորդ եւ ամենակարեւորը՝ դա արդյունավետ միջոց է, որպեսզի պայքարենք աղքատության դեմ: Աղքատության, որն ամենացավալի մարտահրավերն է մեր հասարակության համար:

Նրա խոսքով, ենթակառուցվածքի զարգացումը հնարավորություն է տալիս՝ էկոնոմիկան առավել մրցունակ դարձնել:

- Այն մեզ հնարավորություն է տալիս ստեղծել աշխատատեղեր ոչ միայն շինարարության գործընթացում, այլեւ նախագծերի ավարտից հետո: Նաեւ այն, որ վրացական բիզնեսին եւ հատկապես փոքր եւ միջին, տրվի առավել շատ եկամուտ, աշխատատեղերի եւ մրցունակության հնարավորություն: Այդ նպատակով մեզ անհրաժեշտ են լայնածավալ ներդրումներ: Հանրությանը խոստացել ենք, որ հիմնական ծանր ենթակառուցվածքային վիճակի բարելավումը կավարտենք մինչեւ 2022 թվականը ներառյալ, եւ դրանք կլինեն պատմական նշանակության նախագծեր, ընդգծեց Մամուկա Բախտաձեն:

Վարչապետն իր ելույթում հատուկ ընդգծեց երկու նախագիծ՝ Ռիկոբիի լեռնանցքը եւ Կոբի-Գուդաուրիի արագընթաց մայրուղին:

- Այսօր ցանկանում են ընդգծել դրանցից երկուսը: Նախ սա նախագիծ է, որի շինարարությունն արդեն սկսվել է եւ դա Ռիկոբիի լեռ-

նանցքի արագընթաց մայրուղին է: Սա անչափ բարդ ինժեներական կառուցվածք է: Այսօր, երբ ամռան սեզոնին մեր քաղաքացիները Արեւելյան Վրաստանից երթևեկում են Արեւմտյան Վրաստան, բոլորը կարող են տեսնել, թե ինչպես են ընթանում ակտիվ վերանորոգման աշխատանքները,- նշեց վարչապետը եւ հավելեց, որ Վրաստանում ռուս-վրացական սահմանին մոտ մոր տարանցիկ միջանցքի կառուցումը կմեկնարկի մինչեւ տարեվերջ: Վրաստանի ռազմավարական ճանապարհի՝ Վերին Լարսի ուղղությամբ ձգվող մոր ավտոմայրուղին Հյուսիս-Հարավ նախագծի մասն է կազմում: Այն Թբիլիսիից մինչեւ Լարսի անցակետ զգալիորեն կրճատելու է երթևեկության տեւողությունը՝ փաստացիորեն Հայաստանի համար դառնալով նաեւ այլընտրանք: Վերին Լարսը երթևեկելի է լինելու տարվա բոլոր եղանակներին: Նախագծի շրջանակներում՝ նախատեսվում է կառուցել 22,7 կմ երկարությամբ ասֆալտապատ ճանապարհ, 6 կամուրջ եւ 5 թունել՝ ներառյալ, որից մեկը 9 կմ երկարություն կունենա, կդառնա ամենաերկարը Վրաստանում:

- Մի քանի օրից,- շարունակեց վարչապետը,- կստորագրվի պայմանագիր եւ մինչեւ տարեվերջ կմեկնարկի երկրորդ նախագիծը, որն ունի պատմական նշանակություն, դա Կոբի-Գուդաուրի մայրուղին է: Սա կլինի եվրոպայում ամենաբարդ կառույցներից եւ ամենաերկար թունելներից մեկը: Բնականաբար, այն կյանքի կոչելու համար կարելու են ներդրումները, իսկ ներդրումներն արդեն կան,- նշեց Բախտաձեն:

Նախագիծ նախնական արժեքը գնահատվում է 558,6 մլն դոլլար, այն համաֆինանսավորելու են Վերակառուցման եւ զարգացման եվրոպական բանկը եւ Վրաստանի կառավարությունը:

Ներկայացված տեղեկության

համաձայն, Ռիկոբիի լեռնանցքում, ներկա դրությամբ, աշխատանքներն ընթանում են երկու հատվածներում, իսկ մնացած երկու հատվածից առաջին հատվածի մրցութային գործընթացները վերջին փուլում են:

Միաժամանակ, գերատեսչության տեղեկությամբ, 2019 թվականի առաջին կեսին ճանապարհային ենթակառուցվածքի բարելավման համար ծախսվել է աննախադեպ ծավալի գումար՝ 397 838 275 լարի, ինչը զգալիորեն գերազանցում է անցյալ տարվա նույն ժամանակամիջոցի ցուցանիշը (291 602 962 լարի): Համապատասխանաբար, նախորդ տարվա նույն ժամանակահատվածի համեմատ, ծախսվել է 36,4 տոկոսով ավելի գումար:

Ձեկույցի համաձայն, մինչեւ տարեվերջ ավտոճանապարհային ղեկարարմանը վերանորոգելու է 550 կմ ճանապարհ:

Ավտոճանապարհային ղեկարարմանը, բարձրադիր տարածաշրջանների ճանապարհների նախագծի շրջանակներում, միաժամանակ աշխատանքներ է իրականացնում մի քանի ուղղություններով: Աշխատանքներն ակտիվ են ընթանում Սաչխերե-Ռաճա, Բաղդաթ-Աբասումանի, Սնո-Ջուբա-Ռոշկա-Շատիլի-Օմալո-Խաղորիի կիրճ-Բաժարա-Ախմետայի ուղղություններով, ինչպես նաեւ՝ նախատեսված է Լենտեխի-Մեստիա կապող ճանապարհի շինարարությունը:

Ենթակառուցվածքի նախարարության տեղեկատվությամբ, 2019 թվականի առաջին վեց ամսվա ընթացքում հայտարարվել է 228 մրցույթ եւ կնքվել 541 103 278 լարի արժողությամբ պայմանագրեր:

Ավտոճանապարհային ղեկարարման տի 2019 թվականի բյուջեն կազմում է 1 302 050 000 լարի (446.320.227 դոլլար):

ՄԻՄՈՆ ԿԻԼԱՉԵ

ՍՈՑԻԱԼԱԿԱՆ

ԿԵՆՍԱԹՈՇԱԿԱՅԻՆ ՀԻՄՆԱԴՐԱՄԸ ՍԵՊՏԵՄԲԵՐԻՉ ԿՍԿՍԻ ԻՐԱԿԱՆԱՅՆԵԼ ՆԵՐԴՐՈՒՄՆԵՐ

(Սկիզբը՝ 1-ին էջում)

Կենսաթոշակային կուտակային համակարգից: Սրանք այն մարդիկ են, ովքեր 40 տարեկանից մեծ են, եւ ովքեր ստանում են իրենց աշխատավարձերը պաշտոնական պայմանագրերի հիման վրա: Կենսաթոշակային գործակալության գրությունից ստացվում է, որ 215 331 քաղաքացու համակարգից դուրս գալու իրավունքը չեղյալ է հայտարարվել, քանի որ նրանք ժամանակին չեն դիմել համակարգից դուրս գալու համար:

2019 թվականի հունվարի 1-ից մինչեւ 2019-ի օգոստոսի 6-ը կուտակային կենսաթոշակային համակարգի սխեման, որպես ամբողջություն, միավորել է 856 005 անձի, մինչ-

դեռ մինչեւ 2019 թվականի ապրիլի 1-ը՝ 275.358 մասնակից կարող էին օգտվել օրենքի 22-րդ հոդվածի առաջին կետից:

Կենսաթոշակային գործակալությունը վերլուծում է մասնակիցների կենսաթոշակային սխեման՝ մուտքի եւ դուրս գալու վերաբերյալ տվյալները, որի արդյունքում պարզվել է, որ վերջին երկու ամիսների համաձայն, սխեմայից դուրս գալու դիմումները նվազել են 10 կամ ավելի անգամ:

Ըստ 2019 թվականի հուլիսի տվյալների, միջին հաշվով, 557 մարդ միանում է կուտակային կենսաթոշակային համակարգին: Ըստ այդմ, հուլիսին կենսաթոշա-

կային սխեմայի մասնակիցների թիվն աճել է 11140 մարդով:

2019 թվականի օգոստոսի 6-ի դրությամբ, ընդհանուր առմամբ, 324 097 մասնակից իրավունք ունեն հեռանալու կուտակային կենսաթոշակային համակարգից:

Նշենք, որ կուտակային կենսաթոշակային համակարգը Վրաստանում սկսեց գործել 2019 թվականի հունվարի 1-ից: Ըստ օրենքի, կենսաթոշակային կուտակային համակարգը պարտադիր է



Վրաստանում աշխատող յուրաքանչյուր քաղաքացու համար, միայն 40 տարեկանից բարձր մարդիկ կարող են լքել համակարգը: Մշակված սխեմայի համաձայն, տարեկան նվազագույն աշխատավարձի՝ 24 հազար լարիի դեպքում, քաղաքացու կենսաթոշակային հաշվի վրա կփոխանցվի նրա աշխատավարձի գումարի 6 տոկոսը՝ 2 տոկոսը մուծում է ինքը, 2 տոկոսը՝ գործատուն եւ եւս 2 տոկոսը՝ պետությունը: Տարեկան 24 հազարից մինչեւ 60 հազար լարիի աշխատավարձի դեպքում, պետությունը կենսաթոշակային հիմնադրամ կփոխանցի 1 տոկոսը: **ՅՈՒՐԻ ԽՈՐԵՆՅԱՆ**

ՍՈՑԻԱԼԱԿԱՆ

ՓՈԽՀԱՄԱԳՈՐԾԱԿՈՒԹՅԱՆ ԴԱՅՄԱՆԱԳԻՐ՝ ՀԱՄԱՇԽԱՐՀԱՅԻՆ ԲԱՆԿԻ ՀԵՏ

Մասնագիտական կրթության որակի եւ մանկավարժների որակավորման բարձրացման նպատակով, Վրաստանի կրթության, գիտության, մշակույթի եւ սպորտի նախարարության եւ Համաշխարհային բանկի (WB) միջեւ կնքվել է փոխհամագործակցության հուշագիր:

Համապատասխան համաձայնությունն ստորագրեցին նախարարի տեղակալ Իրինա Աբուլաձեն եւ Համաշխարհային բանկի Վրաստանի ներկայացուցչության կրթության ուղղությամբ համակարգող Նինո Քուբաթելաձեն:

Կրթության նախարարության տեղեկությամբ, ըստ հուշագրի, նախատեսված է մոր համակարգի զարգացումը, որը ներառում է մասնագիտական կրթության մանկավարժների կրթությանի հզորացում, ուսման/ուսուցման որակի բարձրացում:

Իրինա Աբուլաձեի հայտարարությամբ՝ մասնագիտական կրթության ուղղությունը բարեփոխման գլխավոր առաջնահերթությունն է եւ, համապատասխանաբար, նախարարությունը մեծ ուշադրություն է դարձնում մասնագիտական կրթության կառավարման արդյունավետությանն ու որակի բարելավմանը:

ԿՐԹՈՒԹՅՈՒՆԸ ՀԱՍՏԱՏՈՂ ՓԱՍՏԱԹՈՒՂԹԸ ԲԼՈԿԶԵՅՆ ՀԱՄԱԿԱՐԳՈՒՄ

Կրթությունը հաստատող փաստաթուղթը ինտեգրվում է բլոկչեյն համակարգ:

Նորույթը ենթադրում է համալիր բարեփոխում, որի շրջանակներում տեխնոլոգիաների ոլորտում, ամերիկյան առաջատար փորձագետների ներգրավվածությամբ, Վրաստանի կրթության համակարգում ներդրվում են ժամանակակից տեխնոլոգիաներ:

Նշված թեմայի հետ կապված Վրաստանի կրթության, գիտության, մշակույթի եւ սպորտի նախարար Միխեիլ Բատիաշվիլին գործնական հանդիպում է անցկացրել «Input Output HK Ltd»

բլոկչեյն ընկերության փորձագետների հետ, որի ընթացքում քննարկել են նախագծի մանրամասները:

Ինչպես հայտարարում են Վրաստանի կրթության, գիտու-

թյան, մշակույթի եւ սպորտի նախարարությունում, նշված նախագիծը, որն իրականացվելու է մինչեւ տարեվերջ, շատ կարելու



է ժամանակակից տեխնոլոգիաներին ինտեգրվելու տեսանկյունից:

«ԲԱՂԱՔԱՑԻՈՒԹՅՈՒՆ» ՆՈՐ ԱՌԱՐԿԱ ԴՊՐՈՑԱԿԱՆ ԾՐԱԳՐՈՒՄ

ՖԻԶԻԿԱՆ, ԿԵՆՍԱԲԱՆՈՒԹՅՈՒՆԸ ԵՎ ՔԻՄԻԱՆ ՀԱՄԱԿՑՎԱԾ ՉԵՆ ԴԱՍԱՎԱՆԴԿԻ

Ինչպես հայտարարեց Վրաստանի կրթության նախարարության ազգային ուսումնական ծրագրերի եւ ուսումնական ռեսուրսների գնահատման վարչության պետ Մարիամ Չիքոբաձան, մոր ուսումնական տարում հանրային դպրոցների 7-րդ դասարաններում կավելացվի «Քաղաքացիություն» պարտադիր առարկան:

Նրա խոսքով, հաջորդ տարվանից այն պարտադիր կդառնա նաեւ 8-րդ դասարանցիների համար, իսկ ընթացիկ ուսումնական տարվա 7-րդ դասարանի գրիֆիրացված դասագրքի համար կհայտարարվի մրցույթ:

- Մինչ այդ, քաղաքացիական կրթությունը դասավանդվում էր միայն 9-րդ եւ 10-րդ դասարաններում, իսկ այս տարի այն կսկսվի 7-րդ դասարանից եւ կշարունակվի 8-րդ եւ 9-րդ դասարաններում: Այդ տեսանկյունից առարկայական

շարքը փոխկապակցվում է՝ սկսած 3-րդ դասարանում դասավանդվող «Ես եւ հասարակությունը» առարկայով այն կշարունակվի 5-6-րդ դասարաններում «Մեր Վրաստանը» առարկայով, իսկ հիմա 7-րդ դասարանում կներդրվի առանձին «Քաղաքացիություն» առարկան: Կարելի է ասել, որ քաղաքացիական կրթության առարկան լրիվությամբ կներգրավվի նախնական եւ բազային մակարդակներում,- հայտարարել է Մարիամ Չիքոբաձան:

Վարչության պետը անդրադարձավ նաեւ այս տարի ներդրվող եւս մեկ նորամուծությանը: Նրա խոսքով, մոր ուսումնական տարում հանրային դպրոցների 7-րդ դասարաններում կդադարեցվի ֆիզիկայի, կենսաբանության եւ քիմիայի համակցված դասավանդումը: Նրա խոսքով, արդեն մոր ուսումնական տարում 7-րդ դասարանցիներին սպասվում են արմատական փոփոխություններ: Ուսումնական ծրագրերը լրիվությամբ նորացված են եւ 2019-2020 ուսումնական տարում 7-րդ դասարանցիները կունենան մոր դասագրքեր: Արդեն այս տարի 7-րդ դասարանցիներն առանձին կուսուցանեն կենսաբանություն եւ ֆիզիկա, իսկ 8-րդ դասարանից՝ քիմիա: